



GARIS PANDUAN PEMBANGUNAN KURIKULUM DAN PENYEDIAAN DOKUMEN PERMOHONAN PENAWARAN PROGRAM AKADEMIK BAHARU

1. Tujuan

Garis panduan ini bertujuan memberi panduan kepada Fakulti dan Pusat di UNIMAS tentang proses pembangunan kurikulum dan penyediaan dokumen permohonan penawaran program akademik baharu di peringkat prasiswa, pascasiswa dan pra-universiti.

2. Pengenalan

- Pembangunan kurikulum program akademik adalah satu proses perancangan, pelaksanaan dan penilaian peluang-peluang pembelajaran yang bertujuan untuk membolehkan pelajar menghasilkan perubahan yang dikehendaki.
- Proses perancangan melibatkan pengumpulan maklumat tentang keperluan penawaran program akademik baharu dan penjelasan tentang rekabentuk program yang dicadang berdasarkan analisa maklumat yang diperolehi dan disusun atur mengikut format kertas kerja yang tertentu.
- Proses pelaksanaan melibatkan keputusan tentang pemilihan kaedah pengajaran, pembelajaran dan pentaksiran yang mempunyai sifat penajaran konstruktif (*constructive alignment*) bagi memastikan hasil pembelajaran yang dihasratkan akan dapat dicapai oleh pelajar dengan jayanya.
- Proses penilaian melibatkan pemantauan dan semakan kurikulum program akademik yang dijalankan secara berkala bagi tujuan penambahbaikan kualiti berterusan.
- Pembangunan kurikulum program akademik dan penulisan dokumen permohonan penawaran program akademik baharu adalah di bawah tanggungjawab Fakulti dan Pusat.
- Bahagian Pembangunan dan Pengurusan Akademik (BPPA) berperanan sebagai urus setia dalam menyelaras proses pembangunan kurikulum program baharu, perolehan akreditasi sementara (*provisional accreditation*) dan akreditasi penuh (*full accreditation*) oleh Fakulti dan Pusat mengikut ketetapan UNIMAS, Agensi Kelayakan Malaysia (MQA), dan Jabatan Pendidikan Tinggi (JPT) di Kementerian Pendidikan Tinggi, Malaysia.

3. Aktiviti Penting Pembangunan Kurikulum dan Penyediaan Dokumen Permohonan Penawaran Program Akademik Baharu

Fakulti dan Pusat yang berhasrat untuk menawarkan program akademik baharu perlu menubuhkan Jawatankuasa Akademik Program Baharu Fakulti/Jabatan (JKAPB). JKAPB ini seterusnya perlu merujuk kepada makluman terkini berkenaan penawaran program akademik baharu oleh Universiti Awam (UA) daripada Jabatan Pendidikan Tinggi (JPT) seperti di **Lampiran 1**. Selain itu JKAPB perlu membuat perancangan dan persediaan rapi yang melibatkan proses-proses di bawah:

A. Permohonan Saringan Awal UNIMAS dan JPT

- i. Mengumpulkan maklumat yang diperlukan untuk tujuan **permohonan saringan awal peringkat UNIMAS**. Proses saringan ini adalah bertujuan untuk memperaku program yang memperlihatkan kelestarian, nilai tambah yang sesuai dan memenuhi keperluan semasa. Borang permohonan adalah seperti di **Lampiran 2**.
- ii. Membentangkan permohonan saringan awal peringkat UNIMAS untuk **perakuan** Jawatankuasa Perancangan dan Pembangunan Akademik (JPPA) bagi program di peringkat prasiswazah, Jawatankuasa Pengajian Siswazah (JKPS) bagi peringkat pascasiswazah, dan Jawatankuasa Pengajian Pra-Universiti (JKPPU) bagi peringkat pra-universiti.
- iii. Membentangkan permohonan saringan awal peringkat UNIMAS untuk **kelulusan** Senat UNIMAS.
- iv. Memajukan permohonan saringan awal untuk Mesyuarat Saringan Awal (MSA) peringkat JPT melalui Pejabat Timbalan Naib Canselor (Akademik dan Antarabangsa).

(Nota: Persediaan untuk proses seterusnya adalah **tertakluk kepada kelulusan Mesyuarat Saringan Awal Jabatan Pendidikan Tinggi**. Keputusan permohonan perlu dimaklumkan ke JPPA/JKPS/JKPPU dan Senat.)

B. Permohonan Akreditasi Sementara

- i. Mengumpulkan maklumat tentang keperluan dokumentasi permohonan akreditasi sementara dengan merujuk dokumen-dokumen berikut
 - a. Kod Amalan Akreditasi Program (*Code of Practice for Programme Accreditation, COPPA*) - **MQA-01***
 - b. Garis Panduan Amalan Baik: Reka Bentuk dan Penyampaian Kurikulum (MQA)
 - c. Garis Panduan Penulisan Program Akademik, Jabatan Pendidikan Tinggi
 - d. Standard Disiplin Program/Keperluan Badan Professional (jika berkaitan)
(* *Maklumat MQA-01: Bahagian A disediakan oleh BPPA*)
- ii. Mengadakan siri perbincangan/mesyuarat JKAPB bagi memastikan kandungan dokumen lengkap dan disediakan mengikut format MQA-01.

- iii. Melantik ahli Lembaga Pengajian Program (*Board of Studies*). Rujuk Garis Panduan Pelantikan Lembaga Pengajian Program Untuk Program Akademik di UNIMAS untuk butiran lanjut tentang perkara ini.
- iv. Menyediakan kertas kerja dan membentang cadangan penawaran program akademik baharu di peringkat Fakulti/Pusat untuk pengesahan pada peringkat tersebut.
- v. Memajukan **satu (1)** salinan dokumen cadangan penawaran program akademik baharu ke Timbalan Naib Canselor (Akademik dan Antarabangsa) untuk semakan dan pengesahan. (*Nota: Semakan dilakukan oleh BPPA setelah mendapat pengesahan Timbalan Naib Canselor (Akademik dan Antarabangsa) dan perbincangan hasil semakan akan diadakan bersama Ketua JKAPB*).
- vi. Membentang kertas kerja cadangan penawaran program akademik baharu untuk **perakuan** Jawatankuasa Perancangan dan Pembangunan Akademik (JPPA) bagi program di peringkat prasiswazah, Jawatankuasa Pengajian Siswazah (JKPS) bagi peringkat pascasiswazah, dan Jawatankuasa Pengajian Pra-Universiti (JPPU) bagi peringkat pra-universiti.
- vii. Membentang kertas kerja cadangan penawaran program akademik baharu untuk **kelulusan** SENAT.
- viii. Membentang kertas kerja cadangan penawaran program akademik baharu untuk **kelulusan** Lembaga Pengarah UNIMAS (LPU).
- ix. Memajukan dokumen-dokumen berikut untuk permohonan **Permohonan Akreditasi Sementara** ke MQA melalui Pejabat Timbalan Naib Canselor (Akademik dan Antarabangsa)
 - Memo permohonan rasmi ke Timbalan Naib Canselor (Akademik dan Antarabangsa) untuk tujuan **Permohonan Akreditasi Sementara** ke MQA
 - **Lima (5) salinan bercetak** dokumen cadangan penawaran program akademik baharu dan **lima (5) salinan digital (cakera padat)**.
 - **Surat kelulusan Mesyuarat Saringan Awal KPT.**

(Nota :*Penghantaran permohonan untuk mendapatkan perakuan Akreditasi Sementara ke MQA adalah diselaraskan oleh BPPA, termasuk pembayaran demand draft sebanyak RM 100.00*).

(Nota: Persediaan untuk proses seterusnya adalah **tertakluk kepada keputusan Permohonan Akreditasi Sementara MQA**. Keputusan permohonan perlu dimaklumkan ke JPPA/JKPS/JKPPU dan Senat.)

C. Permohonan Kelulusan Penawaran Program - JPT

- i. Menyediakan dokumen cadangan penawaran program akademik baharu mengikut format permohonan kelulusan program akademik JPT (Rujuk **Lampiran 3**).
- ii. Memajukan dokumen-dokumen berikut untuk permohonan **perakuan JKPT** dan **kelulusan YB Menteri Pendidikan Tinggi** melalui Pejabat Timbalan Naib Canselor (Akademik dan Antarabangsa)
 - Memo permohonan rasmi ke Timbalan Naib Canselor (Akademik dan Antarabangsa) untuk tujuan di atas.
 - **Tiga (3) salinan bercetak** dokumen cadangan penawaran program akademik baharu dan **dua (2) salinan digital (cakera padat)**.
 - **Surat kelulusan Meyuarat Saringan Awal KPT.**
 - **Dua (2) Salinan digital MQA-01.**

(Nota :*Penghantaran permohonan adalah diselaraskan oleh BPPA*)

4. Hal-Hal Lain

- **Carta Alir Proses Kerja Penyediaan Dokumen Permohonan Program Akademik Baharu** adalah seperti di **Lampiran 4**.
- Rujuk Garis Panduan Penggunaan Abjad Kod Kursus dan Tafsiran Angka Kredit untuk penetapan maklumat kod dan kredit kursus yang dicadangkan dalam pembangunan kurikulum bagi kursus-kursus dalam program baharu.
- Rujuk Garis Panduan Penulisan Rangka Kursus untuk penetapan maklumat khusus untuk setiap kursus yang dicadangkan.
- Fakulti/Pusat adalah bertanggungjawab untuk menyediakan maklumat lanjut (sekiranya diperlukan) sebagai maklumbalas kepada hal-hal yang dibangkitkan oleh MQA dalam surat perakuan akreditasi sementara.
- Fakulti/Pusat adalah bertanggungjawab untuk memastikan struktur ayat, ejaan dan format yang digunakan adalah **betul** dalam dokumen permohonan penawaran program akademik baharu.

5. Tarikh Berkuatkuasa

Garis panduan akan berkuat kuasa bermula dari tarikh ia diluluskan oleh Senat Bil. 02/2016 ke-148 iaitu pada 18 Mac 2016.